



Akcija "Sultan": Uhapšen 26-godišnjak, zaplijenjena droga i oružje

10. Maj 2023 - 11:02

Policijski službenici Odjeljenja za borbu protiv zloupotreba opojnih droga Sektora kriminalističke policije su, pod nadzorom tužioca Kantonalnog tužilaštva KS, realizovali operativnu akciju kodnog naziva „Sultan“ u kojoj je slobode lišen 26-godišnji E.P. iz Sarajeva zbog osnova sumnje da je počinio krivična djela *Neovlaštena proizvodnja i stavljanje u promet opojnih droga* /čl. 238. st. 1. KZ FBiH/ i *Neovlašteno nabavljanje, držanje i nošenje vatrenog oružja bez odobrenja nadležne policijske uprave* /čl. 74. st. 1. tč. a) ZONDINOM KS u vezi sa čl. 10. i 20.

Uz naredbu Općinskog suda u Sarajevu izvršen je lični i pretres stana na području općine Centar, koji koristi E.P.

U pretresu je pronađeno i izuzeto, između ostalog:

- praškasta materija bijele boje koja svojim izgledom asocira na opojnu drogu *speed*, upakovana u više različitih pakovanja – namijenjenih daljnjoj uličnoj preprodaji, ukupne težine cca 500 grama;
- suha zeljasta materija koja svojim morfološkim karakteristikama i izgledom asocira na opojnu drogu marihuanu, upakovana u više različitih pakovanja – namijenjenih daljnjoj uličnoj preprodaji, ukupne težine cca 650 grama;
- 48 komada tableta, plave boje, koje svojim izgledom asociraju na opojnu drogu *ecstasy*;
- PVC paketić sa praškastom materijom koja svojim izgledom ascoira na opojnu drogu kokain, ukupne težine šest grama;
- tri PVC paketića sa praškastom materijom bijele boje, koja svojim izgledom asocira na opojnu drogu amfetamin;
- više komada PVC folije i vrećica sa ostacima materije koja svojim izgledom asocira na opojnu drogu, te druga ambalaža za prepakivanje droge;
- digitalna vaga za precizno mjerenje sa tragovima materije koja asocira na opojnu drogu;
- vatreno oružje – pištolj sa 33 komada municije.

Muškarac je predat u prostorije Jedinice za zadržavanje osoba lišenih slobode MUP-a Kantona Sarajevo, te će nakon izvršene kriminalističke obrade biti predat na daljnju nadležnost postupajućem tužiocu.

